



Akcija "START" - rezultat uspješne međunarodne saradnje

12. Maj 2023 - 11:52

Operativno-taktička akcija „Start“ koju su realizovali policijski službenici Uprave policije MUP-a Kantona Sarajevo pod nadzorom tužilaca Tužilaštva Bosne i Hercegovine i Tužilaštva Kantona Sarajevo, rezultat je višemjesečne intenzivne saradnje ostvarene i s međunarodnim policijskim partnerima, u prvom redu EUROPOL-om, ali i Uredom FBI. Ured za borbu protiv korupcije i upravljanje kvalitetom Kantona Sarajevo dao je značajan doprinos u pripremi ove akcije.

Aktivnostima koje su koordinirali postupajući tužioci, obuhvaćeno je više od deset pravnih i fizičkih osoba zbog sumnji u organizovani kriminal i zloupotrebe u višemilionskim iznosima.

Više od 150 policijskih službenika Sektora kriminalističke policije i policijskih uprava, uz policijske službenike Sektora za policijsku podršku, izvršilo je pretrese na 30 lokacija na području Kantona Sarajevo – stambenih objekata, poslovnih i službenih prostorija. U pretresima je, između ostalog, pronađen gotovi novac u iznosu od oko 200.000 KM u različitim valutama (44.950 KM, 64.950 €, 11.195 AED, 11.450 RUB), skupocjeni nakit, tri pištolja uz više stotina komada municije, 248 mašina za rudarenje kriptovaluta – vrijednost samih uređaja cca 1.200.000\$ (miliondvijestotinehiljada dolara), te značajne količine sredstava u kriptovalutama. Za devet fizičkih i šest pravnih osoba, Državna agencija za istrage i zaštitu je izvršila privremenu obustavu transakcija u ukupnom iznosu od 429.820 KM i 82.289 eura.

Privremeno je oduzeto i šest luksuznih putničkih motornih vozila (Audi, Mercedes x 2, BMW, VW Tiguan, Peugeot).

Zbog sumnje u počinjenje krivičnih djela Organizovani kriminal, Pranje novca, Zloupotreba položaja ili ovlaštenja, Primanje dara i drugih oblika koristi, Davanje dara i drugih oblika koristi, sedam osoba je lišeno slobode i predato u postupanje nadležnim tužilaštvima, dok su dvije osobe trenutno nedostupne i za njima su raspisane potjernice.

Uprava policije MUP-a Kantona Sarajevo još jednom se dokazala kao pouzdan partner domaćim i međunarodnim institucijama u borbi protiv organizovanog kriminala i korupcije, te nastavlja intenzivan operativni rad na ovom i drugim predmetima.

Prilog

Veličina

Video - kripto-mašine	39.06 MB
-----------------------	----------